

MEDENİ FERHO

HEY GERILLA



ABeCe // helbest

medeni ferho

HEY GERILLA



weşanên ABeCe : 4
hejmar : 4

Çap 1994

Adres : Brusselsesteenweg, 638
1731 Zellik (Asse)
BELCIKA

Pergala berg û rûpelan: ABeCe

D/1993/6605/4

MEDENI FERHO

hey gerîlla

helbest

Pirtûkên medeni ferho

Toprağın Türküsü	-helbest/bi Tirkî
Kaytan Osman	-çîrok/bi Tirkî
Mapusluk Gerçeğim	-helbest/bi Tirkî
Hades İş Başında (Yaşam Tutsak Ben Tutsak)	-romana girtin û perçiqandinê/bi Tirkî
Beranê Kozî	-çîroka dirêj/bi Kurdî
Hey Gerîlla	-helbest/bi Kurdî
Berxwedan Jiyan e	-mîtolojîk/bi Kurdî
Mîrza Mihema	-mesele/bi Kurdî

bo bîranîna
wan xweşmêrên
li serê çiyayêñ Kurdistanê
bi xwîna xwe
û wan xweşjinêñ li
kolanê welatê biyanî
bi agirê li ser bedena xwe
helbestêñ herî mezin
di nivîsin

www.arsivakurd.org

Min kir û nekir, ji nava
mêjîyê min, germ û şewata
azadiyê der neket. Ber ku
tovê azadiyê jiyan e.
Hiseynê FERHO

pêşgotin

Birayê delal Medeni FERHO, rojekî helbestên xwe hilda û hate cem min, hezdikir ku pêşgotina pirtûka wî ez bi nivîsim: Ez gelekî kêfxweş bûm. Car carna kalikî û pîrîtiya mirov jî xweş e. Gelek heval û rêheval qedrê rûsipyen xwe digirin û wana datîne ciyê pîsporan. Lê belê ev jiyanek xweş e. Ëdî ez bawerim ku ez jî rûsipi me. Heval, min wisa dibînîn.

Min bi helbasta çavêن xwe vekir, Hinek Tirkî bûn, hinek jî Kurdî. Helbest bîna gula ne, dengê jiyanê ye, dengê şoreşê ye, evîna dilan e!... Di edebiyata hemû gelî de ciyekî helbestan ciyekî bilind e.

*Agir bi Kurdistanê ket
Li wira dikê hawara dil
Li bax û bostana ket
Maye du bulbul jê rû dil*

Dûr û nêzîk meriv dikarê bêjê ku ew welatparêzê hêja, iro agirê bi Kurdistanê ketiye di wan rojêñ tarî de dîtibû.

Seydayê Cigerxwin dibêjê:

*Navdare welatê te hemî merkezê ceng e!
Herkes bi me zanî bi xwe Kurd sêr û piling e
Hawîr xwe temâseke binêr gazî û deng e
Hey hey qehreman milletê Kurd rabe dereng e!.*

Di van rojê tarî de, li Kurdistanê helbestvanê ku dengê welatparêziyê bi helbestan bilind kirine, wana welatparêzî û jiyana gel çî ye, hînî me kirine. gelek şâîrên Kurda iro ji bo me bû ne diroka welatparêziyê û jiyanê. Hêvîyêن gelê Kurda jî, ji şâîrên hemdemî jî hewqasî zêde hene. Ji seydayê mezin **Ahmedê Xanî** de heya vê gavê. Gelê Kurd hêvîyêن pir mezin ji şâîrên hemdemî dikê. Ber ku, helbesta me jiyana me ye. car cara **Memê Alan e**, **Xacê û Siyabend e**, **Mem û Zin e**, **Evdalê Zeynikê ye**, **Derwîşê Evdi ye**, **Felîtê Quto ye**, **Keliha Diyarbekr a xopan e**, **Gola Wanê ye**, **Çiyayê Sipana Xelatê ye**, **Deşta Rewanê ye**, **Desmaleke sorgevez e!**... Car cara jî, **Şêx Mehmûdê Berzencî ye!**... Li Mehabatê bi rûwê xwe yên sipî **Qazi Mihemed e**, **Şêx Seidê kal e**, **Eli Şer e**, li dêrsimê **Seyit Riza ye!**... Li ser sê pê azadî û xelasbûna Kurdistanê ye. Hêstirê çavêن bûkan e!... Zîndan e!... Dadgeh e!... Xwîna şehîdan e!... **Kawa ye**, **Kemal Pir e**, **Mazlum Doğan e!**... Li çiyayê Kurdistanê şoreşger in!... Kûlîlk e!... Berf e!... Bager e!... Berfin e!... Bahar e!... Gul û sosin e!... Zozan e!... Her tim jiyan e!... Berxwedan e!... Rabûna ser piyan e!... Şer e!... Têkoşin e, rizgariya xelasbûnê ye!... Li çiyayêن me mij û moran e!... Kendal e!... Mirin û mayina xortan e!... Morî û mircan e, di gerdena bûkan e!... Bazinekî zêr e, xemla bûkan e!... Belê helbest Kurdistan e!...

Helbestêن Kurda iro, **Botan e**, **Amed e**, serhildan e!...

Li aliyê **Elegêzê**, Kupqiranê, li **Bazidê** şerê mîrxasan e!... Keçê Kurda ne, gerîlla ye!... Gerilla yên Kurda ne!... Çiya yên me ne!... Serhed e!... Serbilind e!... Eşqa dilê min e!... Dicle û ferat e!... Ya **Ahmedê Xanî** ye, **Melayê Cizîrî** ye!... Serxwebûn e!... Berxwedan e!... Sed **Mem û Zin** e!... Ronekbîrî zor û zehmet e. Ji bo Kurda, li ser reya wan mirin heye, zîndan heye. Rewşenbîrîn Kurda bi lingekî li mirinê, bi lingekî li mayinê ne. Welat li piyan e, ceng e, şer e, agirê jiyanâ me di nav wî agirê şoreşê de bi dengekî, bi şewtekî, bi rêçekî, bi çîrîskekî, em tune bin nabê.

Agirê azadî û serbestiyê bi çiya ketiye. Zêwî, gelî û zozan tev di şuxulin. Şewqê daye dilê xort û qîzan. Kî dikarê di roja iro de vî agirî ne bînê? Salêن zor û zehmet ji par re man, em niha li ber çemê ronahî û serxwebûnê ne. Seydayê mezin **Melayê Cizîrî** na bêjê?

"Em Dicle û Ferat in lê feyza me weke Nil e"

Li ber gelek seyda û zanayên Kurda yên gorbehişt, ez dikarim bêjim, hûn bê xem razin, agirê azadî û serbestiyê ji Suphanê, ji Tandurekê heyâ Mehabatê, heyâ Silêmaniyê, heyâ Urmîyê bigirin heyâ çiyayê Şengalê dişuxilin:
Ya azadî ya mîrlîn!...

Yaşar KAYA

20. 08 1994 Bruksel

Tu li ku mayî

Çima deng ji te nayê
Çima deng ji te nayê
Mêrî çê yî xwendevan
Li welat şer û ceng e
Xwê ketiye nava agir de
Gelê me tê kuştin
Ez bendeyî te me
Tu li ku mayî

İro wexte sibe dereng e
Mêrî çê yî xwendevan
Qey tu nizanî ku di şer de
Hêvî hawar û bang û deng e
Çima deng ji te nayê
Jiyan bûye agirê têr pereng e
Gere pênûsa te bikê qîrêna peng e
Xwedî derbikevê bi xûrêna lîlî û şeng e
Gelê me tê kuştin
Ez bendeyî te me
Tu li ku mayî

hey gerîlla

1/
Gerîlla

Xweş mîr û xweş pêlewan e
Heval e

Karê wî ceng e
Bi nav û deng e
Bo jiyana azad mîna şeng e
Pêçayî
Hûnandî
Bingeh saxlem û têr xîret
Xweş runandî
Mîna hevrişmê bûyî peng e

Xwes

Nijdevan û

xweş ciwamêr e!...

Bi rojê li kar û bar e
Bi şevê piling û şêr e
Armanca wî mezin e
Xalî jiyan e
Nakê wesif nakê pesin
Nakê galgala têr qapan e
Sund xwariye bi baweriya welat
Ew welatê Kurdistan e

Gerîlla

Xwediye desmala cemedan e
Kêlik rakiriye
Bi xwîna xwe nîşan kiriye
Gotiye erda bav û kalên min
Ji Behra Spî heya bi piştâ Hemedan e
Sala hezarûnehsedûheşteûçar û virde
Rewşa welat ne weke dih û pêr e
Zor û zehmetî rabu
Hat xêr û bêr e

2/

Hey gerîlla

Tuwî dîrok

Tuwî çîrok

Tuwî kewkeba jiyanê

Di devê jin û dotan de

Bûyî sitran û dîlok

Wan şevêñ têr axêñ û nalêñ

Ji ber dijmin gidî gidyano

Zar û zêç dikirin hawar û zarêñ

Ne dost hebû

Ne jî yar

Mal hebû

Sitar tune bû

Bo dijmin bang û seyr bû

Bo Kurdan qîrêñ û hawar bû

Di rewa erdê de

Di pêlêñ avê de

Di xwîna li ser kuç û pelêñ darê de

Di cewherê dilê yarê de

Mezin bû kelî

Dirêj bû fûrî

Sal û dem sal bûrîn sar nebû

Daxwaz ji bir nebû

Roj hat

Di nava kesk û sor û zer de

Kûlîlkêñ sipî şax û per dan

Hey gerîlla tu bûyî hawara Kurdan

Tu bûyî rûmet û xîret

Bi tîrêja rojê re

Ketî ser ruwê erdê de

3/

Barê te giran e
Hey gerîlla

Ne roj
Ne hevv bi tenê
Reş û tariya ser axa me
Karê sed salan e

Ev bar
Ev barê giran
Barê tevî Kurda ne
Gere em teva dizanibin ku
Ne hêsanîye serhildan

Hey gerîlla
Tuwî jiyan

Tuwî berxwedana me Kurdan

4/

Rê dur e

Bar giran e

Her çar rexê Kurdistanê neyar e

Neyarêñ

Pirr hov û har in

Pirr zalim û xedar in

Ne bes kedxwer û zor in

Jiyanê dikine weke gemar e

Dijmin ne bes e

Hey hawar

Kesêñ xayin

Kesêñ bê esil û sêwî

Çav li derî

Xweliya sar li nav çav û seri

Pirr xedartir ji neyar in

5/

Xwîn xelatî

Erd felatî

Bingeħa welatî

Hey gerîlla hey gerîlla

Wek destpeka pirtûkê

Çirok û roman û dîrokê

Helbesta bi devê Cegerxwîn

Mamostayê vî zemanî

Bê xwendin

Bi pênûsa wî bê nivîsandin

Bi firça neqqaşê çeleng

Palê roja rengîn

Bahram Haco bê xemilandin

Bi dengê bilûra Memê Şivan re

Biçê ser pelê darê runê

Li ser kokel û şikêrên Dîyarê Behîvê

Li newal û geliyan temaşekê

Destpêka beharê
Heyva nîsanê
Di nav peşkê barana danê evarî de
Tu wî jiyan
Tu wî çîrisandina çavên maşoqî
Bi navê Şeşimstana pîrozî
Tu wî dengê dilên evîndarî
Lîliyandina jin û dotan
Li ber siha dara beruwî
Kelkela havînî
Tu wî dilopa ava berîha serê Bagokê
Payîtexta Şahê Maran
Hemberî serê Ava Sipî
Tu wî Harran
Xwişka heft biran
Tu wî rewa erdê
Bûyî kûlîlka serê latan
Tu wî hestirê kewan
Li ser simbil û gulan

Şîr helalî
Ked zelalî
Deng pîroz û delalî

Lo
Tu derdê dilanî
Hey gerilla hey gerilla

6/

Hey gerîlla

Nav û dengê welatê minî tu

Li çiyayê Bagokê şêrên bi dengî tu
Li çiyayê Mava mîrên bi cengî tu
Li çiyayê Botan pilingê bi şengî tu
Li çiyayê Agirî wolqana bengî tu

Hey gerîlla

Şeng û penga dilê minî tu

Li Harranê heft birayê dîrokiyî tu
Li welatê jorî pêlewanê Battal î tu
Li deşta Wanê xweş beranî tu
Li Amedê cejn û dengê azadî tu

Hey gerîlla

Çav û gav û çeng û perê minî tu

Ne bes xan û man, rez û werz
Qesr û qunax, cih û warê minî tu
Ne bes tirş û pez, dibistan û ders
Di jiyana bi rumet de xewrcbezê minî tu

7/

Şax û perî tu
Roj û gerî tu

Hey gerîlla

Kûlîlk û rengî tu
Kevok û dengî tu
Bang û miradî tu
Qubletgeha dilanî tu

Hey gerîlla

Şehlewendê pîr î tu
Mehrebanê şilîxanî tu
Baqê sosin û gulani tu
Di destêن dot û xortanî tu

Hey gerîlla

Şewata kehrebanî tu
Navê Yezdanî Pakî tu
Delal û dilovani tu
Ronahiya çavêن gelê minî tu

Hey gerîlla

Hesreta behîشا dilanî tu
Ehd û emana welatî tu

Hey gerîlla

8/

Hey gerîlla hey gerîlla
Bi meşe
dem û dewran
ya te ye

Zal û Rastem
Kawa û Deysem kalê te ye
Welatê zêrîn Kurdistan dayîka te ye
Ev erd ev dil ev ziman behîsta te ye

Hey gerîlla
Ev pirtuk ev pênum palê te ye
Ev xîret ev rumet bara te ye
Ev gotin ev galgal dabaşa te ye
Ev dîrok ev roman salifa te ye
Hey gerîlla
Ev ba
Ev bablîsok ev bahoz navê te ye
Ev av ev dîlok ev çîrok dengê te ye
Ev cejn ev govend ev pirozî ev şahî
Ev civat ev deng û şabaş
Ev helbest bo navê te ye

Hey gerîlla
Stêrika li azmana
Heyva li çardeha taca serê te ye
Ev simbil ev şiva dara şîlanê
Agir û dengê hazretî Zerdeş
germa dilê te ye

Hey gerîlla
Gotinê min şilîlxana xwîna te ye
Ev sitran şahûşîna ser gorna te ye

davet e îro

Cejn e

Ger û

Seyran e îro

Îro

Daweta dot û xortêñ Kurda li dar e

Lê dixê zirne û dahol

Pê re çakûç û niqar e

Ne bes kêt û şahiya dost û yar e

Her çar wextêñ salê bi cih û war e

Li Kurdistan bûye hawar e

Agirê azadiyê ji serê çiyan

Xwe berdaye gund û bajaran

Govend germ e

Lê dixin çarpîne hişk û nerm e

Hurzê çepik û reqsa milan

Ew xwes baweriye ku ketiye dilan

Bo vê baweriyê ku bûyî dîlan

Bazdan û tirs êdî şerm e

Bi hêrs û şabaşen mitirban re

Di hejijê erd û azman

Lîle lîlê dot û jinan

Bûk li hespê sûwar e

Xêlî tê di pey de

Berbûlî ketiye ber de

"Narê hey narê

Mi çavê te reşbelek xwarê"

Narê xwes dost û yarê

Ji xem û derdan bûye dîn û harê

Hey hawar e
Îro bûye qîrêñ û ferman e
Ne wextê galgal û peyman e
Pêşmergêñ Kurda mil da ne hevûdin
Roj li roja din zêde dibin
Hew têñ hejmar e
Hin leşker in hin jî milîs
Lê dixin roj û wextêñ êvaran
Hêrişê di berdin ser hovêñ neyaran

Dawet e
Kurdan govend girtiye bi hev re
Îro çi xweş dem û dewran e

em

Hezar in em

Hin xort in

Hin pîr û kal in em

Bi hev re yekin wek dost û yar in em

Wek li Zêwa Seyit Bilal bi reng û deng in em

Doh

Hindik bûn em

Îro hezar û hin in em

Xwedî kom in

Xweş nijdevan û paşmêr in em

Di bin kûç û rizzdan de ne em

Li newal û gelîyan e em

Li Tor û Rama û Serhed in em

Em îro hezar û hin kes in

Bo şerê azadiyê

Bo hember dijminên hov

Êdî bes in em

Hene em

Bê hed û hesab in em

Îro dizanim bêjim bê

Kî ne em

Bêjim bê

Çima em

Li kûne em

Bêjim bê

Li govenda welat in em

Li gund û bajaran

Cotkar û karker in em

Li dibîstan û kolanan

Xwendevanê têr huner in em

kûlîlkêñ agir û xwinê

1/

Di çil rojiya we de
Va diçim
Di çime serê çiyan
Nava deşt û newalan
Lê ezê
Ji destpêka serhildana bi rûmet
Ji serê Çiyayê Bagokê dest pê bikim
Cihê hêlinâ şêran
Ji mextela jin û mîran
Hinek dîroka kevnare
Hinek kûl û derdê ser pelê hinara
Ji ber kûç û talanê daran
Hinek taca rojê
Ya berê sibehî
Sor û zere ve
Kesk û xemre ve
Mîna liqatvaniyê kevnejinan
Ber hev bikim
Bikim baqê destan
Her baqî bi qozeqera biharê bi pêçim
Li ser sifra dilê xwe
Bênim bo we her du xatûna
Her du xatûnê rumeta Kurda

Her du xatûnê dilan
Heya cîhan ava ye
Bû ne dabaşa xîretê
Navê wan
Bû boyaxa pêñusan
Kete ser zimanê rûpelan
Ku dikin gotinê liyanê
Bi çakûç û miqaran
Hate kolan li ser mermer
Û cewheran
Ne dem dikarê xera bikê
Ne bahoz û baran
Ne berf û tofan
Mîna wan çîrokên têr efsane
Ku têne gotin ser kewkeba jiyanê

2/

Rê bigrim

Herim Çiyayê Mava

Nava darfêkiyan

Nava peyv û galgalên berê

Gazî û hawara sêwî û tawiyân

Sê denga bakim

Pîra ji Sîrtê tê diçê Bertê

Bo salifa xwe bêjê Cigerxwîn

Bo hozan ji nuh de runin

Runin bi nivîsin

Navê we bikin dabaşa helbestan

Bo sazbend bi têlên tambûra xwe

Dengbêj bi serê lêvên xwe

Bêjin bi belênin

Ziravê dijmin bi dirênin

Erd û azman bi welênin

Bêjin

-Kê bawerî ji vê mezintir dîtiye

Bêjin

-Kê mîranî ji vê mezintir dîtiye

Bêjin bi belênin

Gotin li dûv gotina dî

Ser dilê qîz û xortan bi kelênin

Bêjin

Bêjin û bâkin

-Kesî ji vê mezintir welatparêzî

Ne dîtiya ne bînaye

3/

Di yeksaliya we de

Herim

Xwe bigihêname Serhedê

Nava nefel û helezê

Serê çiyayê Agirî

Warê serhildanê

Destpêka jiyana ciwanik

Ü pêgiha cîhana gewrik

Parçek ji awaza we her du xatûna

Hinek ji rimiya agirê ser bedena we

Bi kûlmek xwîn re

Ya sor î sosinî

Bi çavêr rojê re

Bikim ala Kurdistanî

Di ser kûraya dilê erdê de

Bi çekênim

Di nava wan gorbehiştiyê dîrokî de

Her sal bikim şeng û peng e
Gel bê zêwa we
Bikin cejn û deng e
Bi navê we destên hev bigrin
Raqsa Toranî lêxin bi govend e
Her sal nava rojê heyâ êvarî
Agirê dila pêxim
Hemberî roma reş
Bêjim
Bêjim û bakim
Bi sûnda ehda emanê
Wê sûnda dîroki
Ya fêris û pêlewanan
Her bêjim û bakim
-Dijmin ji me re nabê dost û yar e

4/

Dengê awaza we
Dema giha Cudî
Ew rimiya ser bedena we
Bi govenda berxwedanê re
Mîna kûlîlkên berfê
Hatin jêr û rijiyan
Ketin ser stana Kurdistanê
Bû ne şilîlxanê beharê
Germa kevçika dilê we
Bû çavêن Şeşimstanê
Ronahî da
Sibahî nîvro û danê êvarê
Hat û geriya
Kete nava newal û gelîyan
Bû ba
Bû bahoz û welîyan
Mîna tofana Nûhê Kal
Şax û per û ger da
Hat û civiya
Pêl dan û rijiya
Bi Ava Mezin re
Pêlêن giran û têr ger de

Hat û paland
Got û beland
Bû dilopa evîndarî
Niqutî dilê Cizirê
Bû dengê Mem û Zînê
Bi devê Ehmedê Xanî
Bû dengê bilûr û sazê
Bû bexçê gul û gulîstan
Darfêkiyên welat
Kûlîlkên hinarê
Li qeraxê teyarê Helex û Zazê
Hat bû xumxuma dibîstan
Zar û zêçên Kurdistan
Mîna çûkêن nava darîstan
Navê we her dû xatûna xwendin
Bela kirin li her şarîstan
Bi pirtûk û xêzikêن helbestan

5/

Agir pêketiye

Li ser dilê çiyayê Kurdistanê

Geh li Bagokê di çirisênenê

Gih li Çiyayê Mava

Li warê kûl û keserên kevnare

Warê fêris û dost û yara

Bi rojhilat re li Harranê

Wê rûpela dîrokê

Xwişka heft dînemêrên bira

Pê dikevê dibê find û çira

Bi rojava re li Serhedê

Kat didê li nava nefel û helezê

Kûlîlk didê bi bayê bez û lezê

Ew hawara awaza we her du xatûna

Di destêن agît û pêlewanan de

Dibê ala rengî li welatê Kurdistanê

Desthilanîna we bû çavkaniya serhildanê

Kî ci bêjê

Hûn her du xatûn

Bû ne navê pesin û wesifdanê

6/

Agirê ser bedena we
Hat û rûnişt
Ser dil û kezeba min
Dengê nalêna we
Hat kete guhê min
Bû dabaşa
Helbestê min

7/

Roj na bûrê
Bê axaftina evîna we
Roj na bûrê
Canfedayî ya we nebê
Dabaşa civata me

8/

Kî di bêjê
Xwîn nabê kûlîlk

Reng nadê stana Kurdistanê

Kî di bêjê
Ew agirê ser bedena
Bêrîvan û Ronahî
Nabê kûlîlka sor î sosinî

Reng nadê ala Kurdistanê

Kî di bêjê
Xwîn û agir
Nabê nîgara jiyanê

Deng nadê civata Kurdistanê

Ger xwîn û agir
Dest bidine hev bi evîndarî
Ji xumxuma pêtên agir
Ji kelkela komika xwînê
Kat didê
Kûlîlkên wextê beharî

Di barin li ser rûwê cîhanê
Weke peşkê aşîtiya baranê

pêñûs na hilgirê

Pêñûs na hilgirê
Gula geş
Ser Mishefa reş
Car din
Car din bikê dabaşa nivîsandinê
Nikarê
Dilê Şeşimstana gewre
Ku bi navê Ronahî
Ku bi navê Bêrîvan
Lê dixê
Car din bikê dabaşa jiyanê
Hew dikarê
Vê salifê datînê ser rûpelan
Mecal û mefer nadê
Hêl û qewet na ragirê
Her du delal
Bûne mezhebê baweriyê
Bûne dînê evîndariyê
Bûne pira navbera dilê mirovaniyê
Ne hewn dihilgirê
Ne dil diragirê
Wê şewata bi mîranî
Çawa biskên xelek
Keziyên reşbelek
Ber bayê agir ketin
Bûne rengê Tawusê Melek
Ew gorbehiştiyê deşta Yezdan
Li welatê Kurdistanê
Rûniştin ser textê dilan

ger nebê

Ger

Neyê gotin bi navê we sitran
Nebê dabaşa dîlok û helbestan
Ne kevê roman û çîrokan
Bê xilafî çê na bê xelasî
Bo warê bav û kalan

Ger

Neyên ser gorna we
Tewaf nekin hicr û kêla we
Qîz û xortêñ evîndar
Sûnd ne xûn
Bi awaza we ya birîndar
Ne bêjin
Em biçin hawar
Rahêjin çek û dar
Xelasî çê na bê
Bo cih û war

Ger

Fêris û agîd
Rêzan û serkêş
Sûnd ne xûn bi êşa dilê we
Sûnd ne xûn bi agirê ser bedena we
Ne bêjin ev her du xatûn
Her du xatûnê gorbehiştî
Li nava duwelên biyanî
Bûne dil û ziman û ala Kurdî
Bûne xîret û rûmeta vî zemanî
Ji mer hew çê dibê
Hew çê dibê
Wilo dûrî hev rûniştî
Bi dîlşewêtî
Bi evîndariya
Bêrîvan û Ronahî
-Divê em verin cem hev
-Em bikin galgal û yekîtî
-Ji hev re bibin dost û yar
-Na xwe çê na bê xelasî
Bo welatê bûyî çar parçê birîndar

Ger

Navê we bû dengê hawarê
Êşa dilê we bû dabaşa biratiyê
Xweşî û geşî bû qunaxa mirovaniyê
Kurdistan giha mirada xwe
Ya serbestî û azadiyê

bê taqet
di mênê pênûsa min

Pîroz bê
Pîroz bi navê Ronahî û Bêrîvan
Li wan bedenê di nava pêtêñ agir de

Her du xatûn
Bezma dilê min in
Bezma xas û xweş delal
Mîna ava çavêñ evîndarêñ bê mecal
Taqet tê na gihijê
Zend na hilgirê
Hewn na ragirê
Dilê min têşê bi dilê jiyanê re
Ber ku pênûsa min
Hemberî dilê we bê mecal e
Ew baweriya mezin bû ne çavêñ rojê
Li ser ava ji hêstirêñ kewa
Ronahiyê didê ser rûwê erdê
Erda welatê Kurdistanê
Ew awaza we bû kewkeba jiyanê
Jiyanâ welatê Kurdistanê
Ew awaza we ku nayê wesifdanê
Xulînî kire nava Cîhanê

Çawa bêjê

Çawa bênê ziman pênûsa min

Hawar bû hawara cihê bav û kalan

Hûn gihana hawara cih û waran

Bawerî bû baweriya dot û xortan

Hûn bû ne baweriya dost û yaran

Çawa dikaribê

Çawa wê bi kar bênê

Ka ji jiyana we mezintir û geştir helbest

Ka ji canfedayî ya we xweş û pîroztir helbest

emanetê we

Emanetê we
Ew emanetê pîroz
Di destêñ heval û hogirêñ çê de ye
Hogirêñ agîd û fêris in
Piling û şêr û xas in
Xeyala nekin
Qet
Bê mitale û rehet bin
Her roja ku tê
Birrê xortan
Qeflê dotan
Mil didine hevûdin
Weke hûn dizanin
Pazdehê tebaxê
Destpêk kom bû
Koma ronahiyê
Piştir bû nê hêzên bi rêz
Rêzên kûlîlkên beharê
Lê iro
Bi hezaran palê rojê ne
Leşkerê palê rojê
Raf bi raf
Hêz bi hêz
Li welatê Kurdistanê
Ronahiya rojê ber hev dikin
Serê çiya bi dar û bar
Qeraxê avê bi gul û reyhan
Hêviyê dikine lod û berçav dikin
Ew hêviyên dilê evîndar
Ew hêviyên tovê jiyanê
Bo emanetê ala rengî
Bi azadiya bengî re
Bikin xelata Kurdistanê

wê bê

1/

Roja me hilat

Sala hezarûnehsedûheştêûçaran

Barî ew rehma têr xêr û baran

Bi rimiya agirê Zerdeş

Bi findika dilên evîndarî

Bo roj û ehda peymanî

Bi navê pêlewanên axir zemanî

Yêñ ademî

Yêñ bav û kalên pêşî û dawî

Kevir û kuç hêrivîn

Mêjî û cewherê dilan werivîn

Kulê sedsalan bu ne şikêr ketin ser hevûdin

Ew zilm û zora kedxwerêñ hov ji wan re ma

û serifî

Roj

Hat û

Hilat

Ax û av

Dar û devî rabûn

Mil dane hevûdin

Çiya û gelî
Bu ne rast û meşîn
Ew dilo-jarêن têr girî
Têr qîrêن û nalênen reşî
Bo bibînîn rojêن xweş û geşî

Bo bê
Dengê zar û zêçan bi xweşî

Bo bê
Dengê bilura şivanan bi naş û nêşî

Bo bê
Ew roja têr xelat û têr pîrozî
têr ronahî û têr geşî

Roja me hilat
Pêşmergên şehlewendî
Bi wî dengê kulîlkrengî
Jiyanbanga xwe kir
Bo gelê Kurd neçê helak
Bi serfirazî bibê felat
Bo azadiya axa zêrîn e welat

2/

Roj va ye hat
Kulîlkan vekir

Gelê Kurd serê xwe rakir
û bakir

Gelî wêrt û waran
Xort û kalan
Dot û jinan
Dost û yaran
Xêrxwazên me Kurdan
Dizanibun ku ev car e

Ku welat nebê azad
Xelas nebê xanûman
Cih û war
Kûç û erd û dar
Xêr na mînê
"Ezel û ebed"
Li ser ruwê cîhanê

Ku me azad kir welatê bav û kalan
Wê xêr bibînê rojên bê
Cîhan
Û bêrtêñ waran

**behar û
serhildan**

Serê sibehî

**Bi bangâ rojê re
Bi dengê çûkan re**

**Yên Memê Şivan û
Gavanê Zerzan re**

**Topa kûlîlkan çavêن xwe vekir
Kesk û sor û zer gewhera sipî
Xemla bûkan li xwe kir**

Destpêka beharê

Jiyanê serê xwe hilda û bakir

Bo

**Di atlasa dilê merivan de
Xwêş ciwamêriya têr xîret
Bê neqîşandin
Rengo rengo
Bê hûnandin
Çengo çengo
Baqo baqo
Bibê girîş
Û lodêن xwêş û geşiyê**

Xêzik bi xêzik
Bên nivîsandin
Hin bibin helbest
Hin bibin dîlok
Hin jî çîrok û dîrok
Li ser her çar wextêñ salê bêñ gotin

Da

Bibê destpêka serhildanê
Bi navê Kawa yê hesinker
Bi dengê çakûç û siddanê wî re
Bi "Hingêlyo" ya lîstika zarokan re
Bi tewirandina diber şerran re
Di nava koma mîran de
Li dîwan û koçkêñ ciwamêran de
Bi lîle lîla qîz û jinan re
Di daweta kur û dotan de
Di rêya bêriyê de
Di govenda Toranî de
Li ber destêr
Li ber guv-guva dolabê re
Bi "Xumxumê Torîvan" re
Mîna dîlokêñ evîndarî û cengê bêñ gotin

av zelili

Av zelili

Herikî hat ser pel û mista dilan
sekini

Niqto niqto

Bar giran bu hat kete ser milan

Pelê dara kurmî yeko yeko wesîyan

Reş û sipî

Qenc û xerab

Ji hevûdin wejiyan

Ne hêsanî

Ne bi yek û du gêsinî

Bi sal û wextên giranî

Bi rewşa zor dilovanî

Piştî xwîna hezar û hin gewrekanî

Xortê delal

Kal û kendal

Kerr û kerrendal

Mîna Qaz û Qulingên beriyê

Ku berê xwe dan geliyên Zozana

Bi şêwr û müşêwra cenga fermanî

Zikreş û dilseqet

Çavçêlek û xayinên vî zemanî

Ji welatparêzan vejetiyan

Ava genî zelilî
Ava cirnik û bêrman
Ya hewt û çalan
Peşk bi peşka baranê
Di nava teliyên destan de
Li ser lêvên jiyanê
Hat û sekinî

Behar e
Welat karxezal e
Bejin zirav û narîn
Û xwîn şêrîn e
Mîrin pirr bê jî
Her dilopa xwînê
Cejna Newrozê ye
Xweş pîroziye
Destegul e
Baqê zadên têr simbil e
Şenga Şalul û Bilbil e
Banga roja hewn û dil e

doh û iro

Ew Kurdên xwedî çem û çogan
Bû ne xwedî mîrêñ wekî hogan

Doh mahkûmêñ qaçax û xwêkiyê bûn
Iro xwedî şervan û njdevanêñ mîrin lo

Doh kuştî û birîndarêñ Romiyan bûn
Iro bi çek û çekdarî xwedî komêñ serhildan in lo

Doh hemberî hev bun hev di kuştin
Iro yek in radikin komêñ berxwedanê lo

Sed û pêncî sal in bê kes û kûs in
Iro xwedî serok û pêşmergêñ bi hêz in lo

Demsaleke welat bi ax û nalêñ û wêran e
Iro şerê cejna şîlîlxana ala rengî ye lo

Ew Kurdên têr kuştin têr perçiqandin
Bû ne şêrgelêñ xwende û hûnerêñ mezin lo

Ne di bin rima xelkêñ kedxwer de ne
Iro rahiştin şûr û mertalêñ cenga azadî lo

kewkeba jiyanê

Hey gerîlla yên Kurdan
Heval û hogirê te me lo
Ji rê û daxwaza te re
Ji şer û berxwedana te re
Bingeh û sitara te me lo
Kewkeba jiyanê tu wî lo

Doh li serê çiyayên Tora Hevêriya
Îro li Çiyayê Mava û Rama û Deşta Muşê
Li Sinceq, Harran û Hesen û Heyderan
Ji çiyan bigre heya bi berî û deştan
Banga xemla govenda azadî tu wî lo
Kewkeba jiyanê galgal û fikrê te ye lo

Hey gidi pêşmergên Kurdan
Xwezî cih da ye hêviyê lo
Hêvî bû ye doz û armanc îro
Roja te fişek ajote devê tivingê
Te pêxist agirê Kawa yên hasinker
Dem û dewrana azadiyê ye hey lo tew lo

qesîde

Qutê salê genimê ruto
Hat bir ji ser ban û bênderan
Ew Roma reş ï gurê luto

Na hêlê werz û rez û pez
Tê dibê bi hêbeta bez û lez
Ne kitên di hêlê ne piça gez

Dijminê Kurda har û hov in
Tu nikarê li pêş û paşıya wan
Bi meşê jî ber ku ne mirov in

Pirr bi lom in û têr qurredar
Ne li şerqê nê li xerbê
Çê na bê mîna wan zor û xedar

Tu li pêş bicê wê gez bidê
Tu li paş bicê wê şoş bidê
Ku te berê xwe dayê wê ken bidê

Ne tê şor û peyv û galgalan
Qedexe dikê heyâ bi xemûxeyalan
Na hêlê deşt û gelî û newalan

Ew tuxmê mongol û barbaran
Dîroka wan teva kuştin û xwîn e
Teqepaşî na diyê dinalînê bi hezaran

Bingeha jiyana wan zilm û zor e
Ne dizanin mirovantî ne dost û yar e
Nas nakin ne ol û ne bext û tol e

Heçî Ereb û Ecem û Tirk in
Ne bes bê xêr û xêrat û xelat in
Bê kewn û bê "sewm û selat in"

**nav û
rê ya te**

**Hember mirinê jîyan e xebata te
Hember hunda bûnê berxwedan e rê ya te**

**Sorgul e sitêr e li ser situna konê şîn
Tîrejêñ rojê ne her dilopa xwîna te**

**Ew rêya te ya têr kirin û mirin
Gorna behiştê ye bo cejna welatê te**

rê ya
azadiyê

Rê ya te zor û zehmet e
Bi lom û galgal û têr tohmet e
Hey gerilla

Rê ya te tejî çal û qonçal in
Tejî kemîn û kesên xayîn û muxbir in
Xayîn bêjî û sêwelekê devê deriya nin

Hey gerilla
Nan hebê av tunîne
Her du hebê heval tunîne

Hey gerilla lo bav û bira
Ew rê ya têr dirrih û xefk û mirin
Rê ya gewre ya azadî û geş û beşî ye

jiyana
bi xwe dest

Pirr kel û germ e
Jar û şîn e jiyana girtî ya bindest

Di qermiçê pişkoka dilê min
Di punijê avoka mîjîyê min
Ser mirina xortên bê mirad
Ser rijandina xwîna gelê min
Hewn na ragirê dil na hilgirê

Ev mirina bê kewn û wext
Tê bi destêni dijminêni bê bext
Di şewitê sorkezeba min
Di herhilê gerhinavê min
Ax na hilgirê av na ragirê

Eyb û ar û şerm e
Ku nebê şeng û penga jiyana bixwe dest

bang û
agahdarî

1/
Hun dizanibun
Ku

Ez
Ne evîndar im
Bo xwîn û şer
Xwediyê doza xwe
ya nav
û
deng im

Xwediyê
maf im

Hember zorê
Mêrên çê
Weki deq im

Bo hebûna xwe
Şer jî bikim ez
Ne xelet
Ne niheq im

2/

Hûn dizanibin
Ku

Ez

Xort im

Çeleng im

Di doza welatê xwe de

Şêr û piling im

Evîndarê Cîhanê

Kewkeba jiyanê

Yarê çavên reş-belek im

Ne bê şeng

û peng im

Pişkirtina pişkoka dilê

Azman û erdim

Weke tavên beharê

Heyva nîsanê

Li ser hêlîna

Bilbil û kevokê

Çîrêñ û xumxuma deng im

Li ser ferşikê bingeha jiyanê

Mîna kewê ribat im

Tim palê merivantiyê

Tim avaza ceng im

3/

Hûn dizanibin
Ku

Ez
Îro
Merivêñ zana
Têgihiştê hewn
 û dîtina
 xwe me

Ez bixwe deng
Ez bixwe bang im

Xwendevan im
Hunermend im
Sexmankar û mamoste yên
Erd û azman im
Lokman Hekîmê
Neçar û beçar û
Bê kes û kûsan im
Zembîlfiroşê
Rumet û xîreta
Namus û ar im

Ez im pêlewanê kewna rojê
Li ser ehdûemana qewl û sozê

4/

Hûn dizanibin
Ku

Ez

Bi mefer û mecala axaftinê
Bi biratiya xwarin û vexwarinê
Bi jiyana mirovantiya serketinê
Bi rê ve diçim

Ez rêwingiyê kewna yekîtiyê
Palê bejna levakirinê
Hostenecarê vekhevkirinê me
Ez li cengê çekdar im
Li kar xwedî barêñ giran im
Sozdarê roja qewamê
Bi cîranêñ xwe re
Her dem dost û yar im

Ew cîranê têr dost û yar
Azad in
Ez bindest im

Ew xwedî welat in
Ez bê cih û war im
Ew ne bes bu balam
Ez talan kirim iro jî
Li derê welat neçar û mihacir im

Hawar gidî ez firoştiyê çar warîl gaz im
Gere cîhan jî dizanibê ku ez ne kodika
şikestî ya saz im

Ew ne bes bu balam
Ez girtim/Ez helandim
Ez kuştım/Dilê zar û zêçan kelandin
Ne şıştî birim veşartim
Bê gorn û mextel hiştim
Cîhan kete demsala bîstûyekê de
Hê jî ez bê kêl û fers im
Ew cîranê
Ku min ji wan re kir
Bi dost û yarî

Ne şerm kirin
Ne jî eyb û arî

Dilê wan jî ne şewitî
Ne sax hiştim ne kuştî
Mîna pazê gura xwarî
Mixabin li erdê hiştim bi birîndarî
Di nava gola xwîne de wilo vezîlandî

5/

Hûn dizanibin
Ku

Dijmin ez rezilandim
Di nava xwînê de xemilandim
Bi derbehişka qewirandim
Bo jiyana bê rûmet
 û mirovantiya bê xîret
 bi qest, bi zanîn
 tim ez şemirandim

-Kûr lê dan
-Dûr nêrîn
-Nan û av û hewn
 û zar û ziman

Ji rayên binî kesixandin

Ez bê xal û ap hiştım
Ji jiyana malbatî û welatî dûr xistim
Mefera min ma berxwedana çekdarî
Micala min ma serhildana bi şîretkarî

Hûn dizanibin
Ku

Ez

Ne evîndarê

Rijandina xwînê me

Palê xerabûn û cengê me

Bes,

Ez

Xwedî doza mafê jiyanê me

Jiyana mîrga têr helezî me

Ez dost û yar im

Mixabin xwediyyê

Dijminê hov û har im

Ez palê bar giranim

Mixabin bê par û war im

6/

Hûn dizanin
Ku

Ez

Şemala ronahiyê

Azadî

û rizgariya cihê Zalê me

Bang û xemla çav û dilşahiyê me

Lê berî her tiştî ez sozdar im

Sozdarê welatê xwe me

Çekdar û şervanê pergela

Dilê Şeşimstana xwe me

Nijdevanê deşt û newal û çiyayên xwe me

Ez

Ziman û dil

Çav û gav

Nav û nas

Û pir nefesa

Gelê xwe me

Şiyarim îcar
Ser çavêن xwe avêt min
Ew tozik û xweliya mirinê
Dizanim iro
Wek Teyrê Baz im
Çeng û perên xwe vekir min
Xwe hilweşand û
Dergehê azadiyê bê kilît vekir
Îro ez
Cotkarê pêlewan im
Kom û palûta min
Bo jiyana têr rûmet e
Piştî û barhilgiriya min
Baz û reva min
Bo nav û nas
Bo cih û war
Û kes û kûsên xas
Îro ez
Xwedî Leşker
Û Memê Şivan im
Xwedî doz û soz im ez

7/

Hûn dizabin
Ku

Ez

Xwedî werz û pez
Xwedî dexl û zad û rez im
Xwedî ol im
Navê deşta Harran
Û Serheda têr helez im
Ne bê cih û ne li der im
Ne hesûd û zorê bi merem im
Ji kesî jî ne bi xerez im

Hûn dizanibin

Ez

Bo maf û şedûbeda xwe
Sibehî
Nîvro
Êvari
Bo ked û xwehdana xwe
Bi roma reş re
Bi pevçûn
Û berz im

Hûn dizanibin
Ku

Ez
Bêr û tevr û das im
Nîr û halet û misas im
Teşt û beroş û tas im
Agirê navbera her sê lingên
Tifika hesin û risas im

Ji malbata xwe de
Ling li erdê
Dest li ser derd û kûlê bê hejmar
Dermanê birînê bê derman im
Bê çiqasî xêrxwazim
Hewqasî jî mîrxas im

Berx im ez
Beranê ber kêr im
Di cengê de weke pilingê har im
Her banga û hêrişa min
Weke tevr û das û kêr in
Weke Haco
Li Çiyayê Mava
Li ber kêr û xencera
Roma reş jî mîr im
Bo doza gelê xwe
Li ber mirinê
Weke şêr im

Hûn dizanibin
Ku

Ez rînas û gernas im
Ji bav û kalên xwe de şewrexî segvan im

jiyan xweş e

Jiyan xweş e/ bi evîndariya dilan
Ku derbas bibê/ bi kêf û seyran
Weke rafê kewan/ li serê çiyan
Bi karê xwe dest û azad

Bi rojhilat re
Ku tûrêjên zer û sor û kesk
Bi qozeqera xemri re pêl berdane ser bedena erdê
Bi dilopa dilê mirovantiyê re deng da/lebitî
Erda hişk/hejand
Deng da/qewirî
Pişkok pişkivî
Cewherê jiyanê çirisand
Av û ax bi hev re/çirmisi
Pêlên germ
Pêlên nerm
Pêlên rengîn
Qalin/dolemend
Comerd
Bi hevîrê miradê re/pelax bûn
Rûniştin/dest dane hevûdin
Axiftin
Beşîşin/soza evînê dan
Axê bêhn da
Hilma germ pê ket
Xem û xemhilgirî nema
Hingî jiyan xweş e

Ku Şeşimstan rûnê li ser textê agir
Bêjê/bi belênê
Hêdî hêdî bi palênê
Pal bidê bi welênê
Dayîka jiyanê
Werê deynê
Kom bi kom/lib bi lib
Bela bikê
Li ser pelê daran
Bi sitraneke evîndarî
Ji devê dot û xortan
Bi wî dilê têr hêvî
Nûh nûh şîrîk girtî
Têr kel
Têr germ
Tîrr û xuloxafî
Mîna hêlhêla zarokan
Wan kûlîlkên jiyanê
Di nava leyistikên êvarî de
Li ber tava heyvê
Li dora agirê ges
Jiyan xweş e
Ew jiyana bi dil/bi xwe seyran

xayin felek

Hey gidî
Gidî xayin felek
Min kir û nekir
Ji destêñ min venebû
Ew hesinê bi xelek

Gih di hepisxanê de
Gih di ger û xefkên roma reş de

Bi jêr de bezîm
Bi jor de bezîm
Min çawa kir fêde nekir
Dest û lingêñ xwe palandin
Çavêñ xwe gerandin
Hewnê xwe tev lewandin
Min kir û nekir
Miherkêñ kewna jiyanê
Min bi darve nekir
Ta xaf bû
Ne teşiyê pêçan kir
Ne dolabê badan kir
Ne ferê aşan zîvirîn
Ne destikê destêr
Mecal û ferece kir
Ne cot kar kir
Ne rev û hilandinê

Kar û barê bindestiyê
Ava Çemê Bûnisra bê jî
Têra xwarina kedxwerên
Romê
Û wan terezêñ xayîn ne kir

ez

1/

Bahoz û ba me
Li ser çiya di fûrim
Li gelî
Ü mesîlan
Bi dengê bilûra Memê Şivan re
Li ber hicra Hexê Bêsa
Di lorim
Bi govenda jiyanê ra
Dîlan û seyran dikim
Peşkê berf û baranê
Bi kêfa germa rojê re
Bi rengê xuzeyî
Bargirê axê dikim
Tovê dar û geyê
Kûlîlk û gulân
Bi cih û war dikim

2/

Ez Lokman Hekîm im
Hem birîn û derman im
Bi derdêñ dilê axê re
Mişt û mişa me ez
Bi doza Kurdistanê re
Havîna kelî û germ im ez
Şor û doz
Şer û xwedî me ez
Tiving û ber
Sorgula aşîtî me ez
Her dilopek ji xwîna min
Find û çira ye
Bo azadiyê bingeh û derman e
Her dilopa xwîna min
Germa dilê jiyanê
Li ser axa welat
-Sorêñ zelal e
-Zerêñ delal e
-Keskêñ helal e
Sipî yên gewherî xal e
Kûlîlk û şîlîlxan im ez
Şehîdê berxwedanê me ez
Nişaniya azadî me ez

xwîn xelat e

Bi destpêka rojê re
Rûniştim li bin siha darê
Bo galgal û gotina
Bikim ristik

Wan ristikê bi destik
Bidim xelata yarê

Yek destik
Du destik
Destika sisiyan ket û rijiyan
Belabûn li nava axê û zûrik
Hin bi wir de hin bi vir de reviyan
Ji min ne hat car din berhev bikim bixim tûrik
Ez ketim heyra bêçariyê
Dotêñ gundê ma hatin
Li galgal û gotinan civiyan
Yek bi yek dane hev û keniyan

Kenê wan pirr ne domand
Ji wê de hatin ew bêbavêñ romiyan
Weke gurê har zuriyan
Ketin nava mal û xaniyan
Zad û zewad teva rijandin
Kar û kûwar teva şikandin
Zar û zêç teva welandin
Kal û xort teva civandin
Bi darê zorê koç kirin
Bi wan hêrzê terezbavî
Sixêf kirin bi zarê romanî

Dotêñ gundê me li hev civiyan
Ji xwedê xwezî û daxwaz kirin
Dengê xwe jî ne hildan şerm kirin
Dawî yek ji wan rabû ser piyêñ xwe
Got: Dotêñ dê û bavê xwe
Bi xwezî kes rahêjê baqê kezî
Rabin ser xwe şerm nekin bidin xwe
Galgal û gotinêñ bav û kalêñ xwe
Bikin şiret û bixin gûhêñ xwe
Em bigihin xortêñ gundê xwe
Rahêjin çekan bidin milêñ xwe
Bo em bikin doza welatê xwe
Yeke din rabû ji wan bersiv da
Got: Dotêñ dê û bavê xwe
Divê şivan hebê pez koz bikê
Divê cotkar hebê cot bikê
Divê pale hebê palûtê bikê
Bo kar û bar li dar bibê
Da em qırşûqalan ber hev bikin

Şor kirin pirr hindik
Da bikin doza welat
Hember roma reş şer bikin
Dê û bavan bikin felat

Ew galgal û gotin rijyan
Berhev bûn hatin civiyan
Ketin devê dot û xortan geriyan
Ketin nava gund û bajaran
Ketin gelî û çiyan hilkiyan
Ji havûdin veketin zêde bûn
Can bi wan hat û meşîyan

Hawar e

Erd û ava welat bê hal bû ye
Dar û devî deşt û newal bêçar ketiye
Di bin ling û destan de bêzar çû ye
Keriyên pez bê xwedî û şivan ma ye
Xêlî û berbûlî ne hat di rê de ma ye
Bûk di mala bavê de xwedo bêhal ketiye

Roj hilat
Ü qewimî
Memê Şivan hat û qîr da
Çem û çogan hejand û meşîya
Bi yek carê
Gel da duv û di hawarê beziye
Reştari hûnda bû
Jar û şîn bela bû
Xweşî hat û runişt
Gelî û çiyayên melûl
Bi yek carê geş bûn
Newal û deştên bê deng
Bi yek carê bi bang û deng bûn
Şeşimstan bi wan çavêv evîndarî
Ronahiya jiyanê bela kir
Ew ronahiya xwîna xortêv Kurda
Ew ronahiya çavreşen karxezal
Ew ronahiya gerden bi mûrêv delal
Bû ne çavkaniya jiyana azad
Li cîhanê bela bûn
Bû ne sosin û gulê baqê destan

Xwîn bû xelat
Xelata azadiya welat

bêjim

-Bo bîranîna Abdusselam Akgül-

1/

Bêjim

Weke Dawut gotî

-Biçim azmanê hefta

Warê gorbehiştiyan

Cihê xwe li keleka te deynim

Berê sibehî

Berî xwêhdana şevê bikevê ser rûwê erdê

Pelê daran

Sitirî

Kûlîlk

Zûrik bi çirmisin

Kevir

Kûç

Bi çirisin

Dîk

Çûk

Ji lîsê xwe derbikevin

Zarok

Ji nava cihê xwe bazbidin

Rabim

Çeng û perê Derya Sipî bistînim

Herim

Herim dawiya Okyanûsê

Di nava kûraya rengê şîn de

Bi agirê dilê te

Rahêjim baqek geyaşilk

Bênim

Di nava tava rojê de

Bi meyênim di tasê de

Lewlebê darvekim

Bi her du destan kewkebê bigrim

Bi keyênim di meşkê de

Bo reş û sipî ji hevûdin veqetin

Reş bi qeşitin

Bi kevin warê kora de

Sipî

Bi tîrêjên rojê re

Di ser sîvanoka derî re

Bikevê ser balgih û zembelîşê te

Bibê rengê pirtikên ordeka berrî

Li qeraxê Çemê Bûnisra

Bibê nîşaniya oxira te

Wê oxira dawî

Çûn û nehatinê

Cihê mextela pîroz

Ser wê dilopa xwîna te

Ya pêşî

Wê kêlîka niqutî ser erdê

2/

Bêjim

Bi belênim

Çiqas dîlok û sitran hene

Ji wan dengbêjên kevnare

Yek bi yek bi neqilênim

Bi wê hesreta dilê te

Wilo bê hesab

Hewqasî dilovan

Dilxwaz

Ku

Te

Berê xwe da mirinê

Wê

Mirina têr ronahî

3/

Bêjim

Ew kevirên ketî ser dilê min
Bi zimanê dîrokî
Bi nalên û axêna coxrafî
Bi hesabê fîzîk û kîmya
Bi pîvana dilopa baranê di nava derya dilan de
Bi evîndariya bê mirad yek bi yek vejartin

Ew kevirên hêrvitî

Bê mirad û dil şewitî ketî ser kevçika dilê min de
Bûyî şikêr
Te bi destêن xwe hilandin
Ew kevirên zemanî
Girtiyê salan
Dîrokî
Têra xwe kevnare
Giraniya demsalan li ser wan
Bi xwîna xwe ku tevlî keda bi xîret bûyî
Te dilê min derxist
Ew dilê qermicî
Pûnijî
Bê rewa mayî
Ji nava şikêrên têra xwe kevnare
Têra xwe evnikî
Di binê geya gutin û piyan de mayî

Tu

Bûyî destpêka jiyanê
Nûjêن
Ciwanik
Bo lêxistina dilê min
Ew dilê bi hesreta serxet û binxetê
Wî warê ji hevûdin perçê perçê bûyî
Ew dilê bi hesreta evîna welat

4/

Wê

Dayik

Çawa bi hejênin

Çawa zarokên xwe

Bi lorînin

Di dergûşa dilê xwe de

Bêyî ku navê te bêjin

Di nava wan gotinêner nerme

Di nava wan gotinêner evîndarî de

Wê

Dayik

Çawa bi dikirênin

Di nava lorandina nîvê şevê de

Çav li xew

Westayî

Sist û di bawişkî

Bi wan lêvên sore ve

Mîna kûlîlkên hinarê

Hêdî hêdî

Di nava wan gotinêner nerme de

Bêyî navê te bi dikirênin

Wê

Çawa bêjin

Çawa bi dikirênin

Bêyî bîranîna xwîna te

Wî rengê sor î sosinî

S/
Bêjim
Bê
Wan
Xortên Kurd
Wan gorn behîştiyan
Wilo dilxwaz
Hewqasî dilovan
Xêrxwaz
Bi wê berxwedana mezin
Ji nava reşa zordestan
Ji nava tariya sedsalan
Ji kûraya gorna dîrokê
Welatek nûjen
Welatek azad ava kir

Bêjim
Bê
Şehîdên Kurdistanê
Bûne haveynê jiyanê
Bûne xunafa qeraxê dilê evîndaran

Bêjim
Bê
Ji şevêñ bê sitêrik
Ji rojêñ bê tavik
Xelatek pîroz
Xelatek ji cejna Newroz
Ew xelata azadiyê di destêñ me kir

6/

Dibêjim

Wê roj bê

Ku

Zar û zêç

Bi çîrokên we

Rûpelên defterê xwe dagirin

Ku

Bi xweş mîraniya we

Bi civatî

Bi kom

Sitranêñ we bêjin

7/

Dibêjim

Roj wê bê

Ku

Dayik

Dergûşa xwe

Xuşk

Birakêñ xwe

Bi navê we bi lorînin

doz

Karê dot û xortên delal
Bo welatê xwe bikin xebat

Ber doza welatê Kurdistanê
Dozek pirr zor û giran e

Lê ne derdê bê çare û derman e
Ku Kurd teva bikin hawar û ferman e

Li serê dijmin bikin reş dewran e
Dijmin wê bi revê bi raf û qeflan ne

şerm e

Jar û şerm e
Kesên nekê kar
Bo welatê xwe nebê yar
Ne bêjê
Azadî
Xweş xelat e ji bo welat

Jar û şerm e
Kesên ne bezê
Ne kevê govenda cengê
Bo serfiraziya rûmetê
Kevçika dilê xwe nekê
Perengên germ e

bi hesret im

1/

İro,

Şînîk û weyn e

Li newal û gelîyên dilê min

dibarê berfek bê terş

û bê kewn e!...

Hawar,

Zembelîlk xwe pêde diberdine xwar e

Zemherî ye,

Hey dilo jarê çiqas sar e

Galgal û germa gotinan xêr nakê

Hawar,

Xêzikêñ helbestêñ Cigerxwîn

Dengê Cimbuşa Aramê Tigran fêde nakê!...

Iro,

Ji her roj bêhtir

Dilê min bûye çavkaniya kulan

Dizê,

Dirijê bi milan

Difurê bi dengê baqê destan

Diherikê bi axêñ û nalêñ

Bi hawar û qîrêñ

Li hev di civê

Dikelê,

Diwelê,

Dinalê,

Dibakê!...

Hey dilo jarê

Nakim dengê dost û yarê!...

Kûl û maraz,

Dibê hesreta têr xerez

Li hev dicivê

Dibê bêrm

Di kevê qonçalan,

Cok û xirêman...

Na xuşşêñ pê dikevê

Ne mişşêñ,

Ne jî mirrêna rijandina ser ax û kuçan

Wilo bê deng

Wilo bê bang

Li ser kezeb û dilê min

Hawar, dikê ceng

Weke agir

Agirê têr parangêñ têr şewat

Hey dilo jarê

Şewata têr hesret!...

2/

Iro

Jar û jan e

Li welatê biyanî

Dilê min derya kûla ne

Şape û lehî

Lehiya têr gera pêlan

Di ser hevûdin re diqulibin

Bi hişma derd û merezan

Bi xezeba hesreta cih û waran

Mixabin

Derya dilan bê qerax e

Evîndarêن tê de

Çiqqas xewas bin

Mixabin na gihin war û qunax e

Mixabin bê arîkariya Yezdanê Şeşimstan in

Çeng qurimî

Hewn cemidî

Dinava pêlan de xaniqîn

Pêl na gihin bejê

Beja bi lat û zixurên têr qum û ax e

Keftûleft bi awaza wax e

Nadê mecal

Nadê per û şax e

Dilo jarê

Dergehê welatê biyanî tenur e

Tim dada ye

Tim bi agirê têr pêtêñ wa ye

Ne nanpêj li ser e

Ne ew jinêñ kal i têr şah û şanbêj

Hawar ew hovêñ dijmin

Bi bistêñ mîna tîran

Dilê min di kolin û dibirêjin

3/

Bi hesret im
Hesreta bejna zirav
Çavêن reş-belek yên kildayî
Birhên dirêj û kevanî
Gerden gaza bi morîk
Rudêna gewre
Hinarkên rûwa mîna sêvîn xelatî
Di nava gotinê dîlokê de
Li ber berê paleiyî
Ew hinarkên ruwê gewrik
Ji germê sorxalî
Wê germa havînî
Dengê yarê bê
Wekî bayê hînik
Li bin siha darê de
Ava sar di tasê de
Tas di destê yarê de
"Hê wernê wernê
Werne darxizêmê"
Xizêma av bi darê
Xortê gundê me çune hawarê
Hawara welatê Kurdistanê
Yar dîlberê
Felek xayînê
Xefka dijwar veda ye
Na hêlê bikevim berê yarê

4/

Hey dîlberê hey dîlberê
Kezî zerê çav bi kederê
Min sund xwariye
Bi sunda mîrên berê
Heya navê te ne kevê defterê
Li nava Cîhanê nebê keda tevgerê
Venakim ji pişta xwe rextêñ kemberê

Kembera min zîv û zêr e
Bi ser de di hejê xencer û kêr e
Kesera dilê min dernakevê
Heya li Kurdistanê ne bê azadî û xêr e

5/

Dil bi keser bê
Na çê bihiştê bê xebat

Divê xebat hebê heyâ ava bibê Birca Belek

Bo kezî zera welat
Hêjayê xwîn bibê xelat

6/

Dilşawêt im
Kezeb herhilî

Ji zor

Ji zilméta dijminê hov

Bê cih û war im

Li walatê biyani

Kor û

Ebkem

Û lal im

Mixabin

Durî dost û yar im

Bi hesreta walat

Têr şînîk

Têr weyn

Û jan

Û jar im

Hawar

Bi hesreta walat

Dîn û har im

Hoo gîdyano
Li mihaciriyê
Ta xaf e
Galgal belaş e
Dayik bi gorî
Bi teşiyê tenê kar nabê
Guv-guva dolabê
Bê dabaşa dilketinê
Bê çîrok û çîvanok
Bi kesî xweş nabê

Li welatê biyanî
Roj punijî
Tav darê şikestiye
Tov ber bi ba ye
Halet şikestî
Nîr bê kûlab e
Ga pîrr e
Cot
Li dar
Û bar nabê

7/

Bi hesret im
Hesreta Beriha Dilopa
Ber siha kavilê Dêrixerabkê
Hemberî Cizîra Bota
Warê evîna dotan
Keliha mîran
Rûnim û bêjim
Bi devê Celadet Bedirxan
Li ser ferşê Kahniya Qetranîyê
Gundê Hesenê Haco
Ji xwe re bi tewirênim
"Dilê min hêlinâ teyrê narîn
Dilo çîma hewqas tu di kolî tû di nalî
Xwezî careke din min danîba ne
Li wî cihî li wî warî"
Navsera çiyayê Bagokê
Cihê derd û kûlan
Mextela bav û kalan
Bi wê hesreta nêçîra rafê kewan
Bi çîtika rengî
Bê pêjin hêdî hêdî xwe berdim
Ber bi Bazinê Taqa biçim
Cihê agirê Zerdeştê Kal
Serokê welî û pêxemberan
Li ber kîlê şehîdan rûnim
Qûbletgeha me Kurdan
Sê cara tewaf bikim
Sê cara berê xwe bidim Şeşimstan
Bêjim: "Şilîlxan bi ketin Kurdistanê
Wê topan berditin Tirkistanê
Textê racketin bibin Kurdistanê
Qeda wê bi kevêt mala Erebistanê"

8/

Bi hesretim

Hesreta tavêن beharê

Ku dirakê best û lehiyan

Wî cihê têr ax û axêن

Heya tu bê bes têr merez û şîniyan

Hêstir dibarin mîna ava kahniyan

Zarokêن tazî

Dayikêن têr kûl û derd

Xûşkêن situ xwar

Ku na gihina mirada xwe

Tim bi xem û xemderd

Wan birayêن birîndarê romiyan

Bi hesret im

Hesreta cih û war

9/

Bi hesret im
Hesreta deşta Wanê
Qeraxê golê
Naveroka Axirdemanê
Cihê Matran Isa
Wî beranî wî xweş hogicî
Xwedî ol
Xwedî bextê mîranî

Bi hesret im
Bi hesreta penîrê mala Hacî Osman
Gundê Hoserê
Raserî Hezexê
Warê kevirê zemanî
Nemberî Newala Dojehê
Bi Necmedîn re
Serê sibehî nîska germ
Têr qalî û simak
Bi nanê tenûrê
Bi wan kevçiyên darî
Karê destêن Ezîzê Xirbihî
Têr ked û rebenî
Ji darê gulê
Yan belalûkê
Dirrihêن bê kûnêrî
Xas
Bi miqar hatî kolan
Bi kêr û kêrûn hatî müşandin
Hatî neqîşandin
Bi hostenecariya salêن kevnare
Hatî xemilandin
Bê tirsa roma reş
Têr xwaribane

Bi hesret im
Bi hesreta nava bexçên Derhavê
Ber Ava Mezin
Wan hinarêñ radîşo
Bi Kamûranê şeş telî re
Têra xwe metelok
Têra xwe mamik gotibaye
Gûhdariya dengê sitranek têr evîn
Bi dengê avê re kiriba ne
Hatibane gundê Mîzîzexê
Payîtexta Tora Hevêriya
Nava rez û werzan
Binê mêmêñ bûyî dêlî
Tejî weşiyêñ gulî-gulî
Zeynebî
Hesenî
Deywanî
Kerkûş û mezrone
Bilbizêk û gewre
Û reşê mîranî
Ber siha kokelê
Têr xwariba ne

10/

Bi hesret im

Bi hesreta wî welatî

Ew welatê min jê têr ne xwarî
ne vexwarî

Bi hesret im

Bi hesreta dengê kevoka ser hêlinê

Wê xumxum û hêviya evînî

Bi hesreta dengê şivanê pezî me

Horhora dengê gavanê Torê

Şorşora karwanê ser rêya Midyadê

Bi serê sibehî re

Ew bêrivanê gotinê xwe

Li ber bayê hînik diberdin

Derdê dilê xwe di hildêrin

Dengê zarokan

Li ber agirê êvarî

Di nava lîstikêde

Tuştê

Bûk û cirrê

Bi jiyanâ ciwanik re

Ku dibê çire-wîra wan

Bi hesret im

11/

Bi hesret im
Bi hesreta dengê berbûlî
Bi hesreta dengê xêlî
Di ber bûka ser hespê re
-Hevalê li te delalê
Narê sed car narê
Kinikê bisk bi çarê
Rakin dayika xalê
Hey bûkê li te delalê-

Bi hesret im
Hesreta civata mîran
Salifê bav û kalan
Wan şevêñ zivistanî
Listika hingulîskê
Têr henek û şahiya dilan

Bi hesret im
Hesreta welatê Kurdistan
Kurdistana azad
Wî welatê bi xwîna xortan
Bûyî bi xeml û hatî avdan

Bi hesreta tewafa kêlan
Ser gorna wan
Danîna kûlmek ax
Axa têr mircan
Heft baqê gulan


Wan şehîdên
Bûyî palê Şeşimstan

12/

Bi hesret im
Hesreta dengê kewên ribat
Rafê şêran
Wan beran û wan hogican
Ku dikin şer û ceng û xebat

Bi hesret im
Hesreta hevalên
Destûbirakê Kurdistan
Ew hevalên bi dengê bilûra Memê Şivan re
Di kevina nava bayê xerbî de
Digerin li nava gelî û mesîlan
Di deynin li serê çiyayên bi mij û moran
Xwe di berdine nava deşt û newalan
Nava pêlên Ava Mezin
Nava pêlên çemê Xabûrê
Wan pêlên heft rengî
Mîna xewasên pêlewan ï dîrokî
Hêvî û daxavazên me tênin cî
Mîna Seydayê Gerhok
Cîhanê bi dengê bilûra xwe
Ji xewa bê xem şiyar dikin
Kesên xirayî ji deydîka wan dirakin
Bi horîna awaza xwe
Xem û kulan di revînîn
Ser dilê dayîk û jinan
Wan keseran di hilênin
Dibêjin her dibêjin
Dibêjin sitranên azadiyê
Dibêjin her dibêjin helbestên serbestiyê

Bi hesret im
Hesreta civat û şahiya dilê evîndar



Sal 1947, li hêla Torê, li gündê
Mizîzexê hatim cîhanê. Mamostayî
ya heft salan, heşt cara sircunî
bi xwere anî. Û dadgeh!...

12 Adarê, li Amedê hatim girtin.

1973, li Stembolê bûme rojnamevan.

Weşanxana ABeCe jî vekir,

12 Êlunê hatim girtin. Heya 1987

domand... Zor û zehmetî û

perçiqandin nayê hed û hesêba.

Cih û war!... Roma reş mal û
mewdanê min pirr talan kir.

Qet ji hêviya serfiraziya gelê xwe
dûr ne ketim. İro jî,

dijwariya min, mîna helbestê min
ji dil bêrdewam e.